



Mwh lij iq, hagdangz ngamq cuengq hanzgyaj, lwgnyez couh maqmuengh gvaq cieng lo. Aenvih gvaq cieng ndaej daenj buh moq haiz moq, ndaej gwn gijhom gijmeih, ndaej cimz gak cungj haeuxceiz haeuxfaengx, ndaej cit haujlai bauqciengj, miz gwn youh ndaej caemz, vuenheij fouzbeij.

Daengz lab ngeihcib gvaqlaeng, ndaw-mbanj couh hainduj bwh gvaq cieng lo. Ranzranz bae haw aeu nienzhuq, yienznaeuz mbouj miz geijlai ngaenz, lumjbaenz diengz, bingj caeuq cehgve daengj cungj miz saekdi, cawx doiq moq he dauqdaej diep, vuenh doiq gaeuq bae. Gyoengq bouxcoz youq baihgrog dajgoeng, laeblaeb daebdaeb ganj dauq ranz caeuq bohmeih gvaq cieng. Daengz lab ngeihsam soengq cauqvungz, ranzranz sauq ranzsaeuq, mad dou naj dou laeng, cung swiq yangzgou, swiq duixduix batbat, angqangq yangzyangz deq gvaq cieng.

Lajmbanj itbuen youq lab ngeihcaet couh gaj moucieng lo. Ngoenzhaenx, ranzranz haet-romh feiz oenq ngauqngauq, ndat raemx gaj moucieng. Lwgnyez dawz bauqreng hae nanz mbouj nanz cuengq aen ndeu, gij riu hoplangh youq ndawmbanj. Mbouj geijlai nanz, ndaw-mbanj sing gaj mou heuh hwnj, gvaqlaeng gyoengq bouxsai couh dangq mou, hai saej, ronq noh caeuq cauq byaek…… Bouxbox nyaengq-foedfoed lumj aen gyangq nei baenqlulu. Mehrranz caeuq lwgnyez couh youq bakdou ranz bonjfaenh nem doiq moq, baez yaepda, ranzranz bakdou cungj ndingfwgfwg lo.

Daengz ngoenzndaep, gyanghaet gaj bit gaj gaeq, gyangngoenz hainduj guh byaek caeuz, miz gaeq bwzcanj, bit bwzcanj, nohgaeuq, noh oet daeuhfouhyouz caeuq bya cien, nohndoksej soemjvan, miz caet bet aen byaek. Haeux byaek guh ndei lo, youq bakdou ranz cuengq fung bauqreng le, daengx ranz vunz couh caez naengh youq aen daiz gwn caeuz haemhndaep lo, doq gwn doq gangj vah hohfuk, bouxlaux hoh lwgnyez bimoq maj ndaej engq sang hag ndaej engq ak, bouxcoz lwgnyez hoh bouxlaux ninz ndaek gwn ndaej, ndang cangq souhgyaeu, caezgya miz gangj miz riu, byaek haeux gwn

Gvaq Cieng 过年

□ Vangz Civeij / 黄志伟

youq ndawbak van youq ndawsim.

Seizneix dauqngex, gou cungj nanz ndaej lumz, couh lumj youq ngoenzlwenz ne, najriu vah angq cungj youq dangqnaej nei.

Ngoenz gvaq ngoenz, ndwen doek ndwen, laepda couh youh daengz cieng moq lo. Bineix, gij binghra q youh naek lo, daengx guek haujlai dieg miz, baez ngeix daengz neix, yienzbonj naemj dauqbae ranzcoj gvaq cieng duj dajsiu lo. Dahlwg youq Cwngzduh doegsaw, gou daj dienhvah naeuz: “Dahlwg, seizneix binghra q naek lai, mwngz mbouj ngah dauqranz lo, yungviemj lailai, couh simnet youq hagdangz gvaq cieng ba!” Dahlwg dingq le raemxda laerikrik, caiq gangj mbouj ok saek coenz vah.

Dahlwg mbouj ndaej maranz, gou mbouj ndaej bae ranzcoj gvaq cieng, aensim cungj nyaeknyaueu linzlinz, hoeng mbouj miz banhfap. Baenzbaenz cungj youq ndwi, gou couh cujdung caeuq bous gunghcoz duiyenz ndaw cwngfuj roengz mbanj bae senhconz baenzlawz fuengzre binghra q, ndij vunz lai ndawmbanj doengzdoi h dawzgeuq, fuengzre vunzrog daiq bingh haeu j mbanj.

Geij bi daeuj, gou genhciz banh ndei nungzminz vwnzyozse, itheij okbanj 《Reihnaz Saekgim》 cib geiz. Vihliux gujli veiyenz sij faenzcieng, gou sai haujlai seizgan nyinhcaen bae caeuq caezgya gyauhliuz baenzlawz sij faenzcieng, hawj gij faenzcieng ndaw 《Reihnaz Saekgim》 cungj ndei.

Caenhneix, gou gyangngoenz riengz bae senhconz yawhfuengz binghra q, gyanghaemh sij faenzcieng bien gauj, yienznaeuz boenq hoeng roxnyinh ndaej sim netnwtnt, cungjsuenq ndaej guh di saeh saed lo.

Youq cibgeij ngoenz gonq, Lungzlinz Yen miz vunz youq guekrog daiq bingh dauqranz, de hwszsonh genjcwz dwg yangzsing, Lungzlinz Yen sikhaek fung yienh. Ndae j daengz aen siusik neix, gou gibseiz cujiz gyoengq vunzmbanj, bae fung diuz roenz iq ndaw mbanj bae Lungzlinz Yen, ndaej daengz yanghcwngfuj haenh ndei.

Dangh gvaq raemxrongz rumzfwn, Mwngz miz ingj miz ngaueu, Gyangngoenz mbwn laep ganj mbouj dingz, Cij vih sengmingh lwgminz.

Ciep gvaq mbaw geizhoengz, Miz mwngz cung bae gonq, Hanh lae lumj raemx hix mbouj dingz, Cij dawz cwzyin cuengq ndawsim. Mwngz dwg ndawbiengz denhsij ceiq gyaeunde i,

Gyaez mbouj rox caenh gamjdoengh diendeih,

Lwgminz youq gonq sengmingh youq gonq, Doengzdoi h sij ndei gizciz Cungguek.

Yienznaeuz souj go 《Yinghyungz Ceiq Gyaeunde i》 neix dwg gou sij, hoeng de baez yiengj youq henzrwz gou seiz, gou couh gamjdoengh ndaej raemxda lae roengzdaeuj. Dwg o, Cungguek bouxbing vih lwgminz youq ndaej bingzan, mbouj lau lae hanh vutmingh, gou siuj bi ndeu mbouj ndaej ndij vunzranz gvaq cieng youh baenzlawz ne?

Lumj gvaq cieng miz bauqva youq gwnz-mbwn dek ronghriri, gou ndunj youq ndawlaep muenghyawj gvaqbae, caen lwenqda ya! Caeuq gyoengq beixnuengx hoh coenz——

“Biguk angqyangz!”

“Gou gangj, gou gangj……” Gij sing bouxfamhlaux iqnyieg lumj duznyungz nei, gig dwgengz naeuz: “Lungz Sinhmou de……de…… de……”

“De baenzlawz yiengh lo?”

Lungz Byauh roengzrengz ngauz gyaeuj bouxfamhlaux, simgaenj cam.

“De …… de dai …… dai-bingh——”

“Daibingh youq gwnzbya? Deng mbouj deng?”

“……”

“De haem youq gyawz ne? Veil! Veil!”

“……”

Aen gyaeuj bouxfamhlaux lumj ngauz mbamienh raenx ceizraemxrouh nei, unqnamnam, de caiq hix mbouj oksing lo.

Gwnz dingjranz byajraez sing hung ndeu, ciepdwk youh doek fwnraq.

Lungz Byauh cuengq gyaeuj

·Sawcuenhraz Lwgnyez·

Gij Golwgnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

bouxfamhlaux roengzdaeuj, baez ngiengx gyaeuj, lumj miz geij naed fwn roh roengzdaeuj doek youq gwnzgemj de nei.

Ndawsim de luenhnyagnyag, mbouj rox dwg haemzhaenq roxnaeuz simcieg, de gaenq geiq mbouj cingcuj gij yiengh daxboh de lo, seizneix ndaw uk cij miz gij yiengh bouxfamhlaux neix, byomroz, doeknyieg……

Daihcibcaet Aulungzgeiz couhdwg Lungz Byauh lwi

Aulungzgeiz cingq menhmenh gangj, gangj daengz giz gikdoengh lij seiz mbouj seiz vad song fwngz hwnjdaeuj.

Sawqmwh, diuz byajyap lwenqda daj gij geh laj dou myanz haeujdaeuj, ciepdwk yiengj sing byajraez coegrwz he, gou bonjlaiz couh dwglau lo, seizneix engq deng hwk ndaej yaek hemq hwnjdaeuj, yaek aeu song fwngz bae goemq rwz hix ganj mbouj gib lo.

“Gaej lau!” Aulungzgeiz byaij

gvaqdaeuj lumjlumh gyaeuj gou.

“Cuet!” Gou ndwn hwnjdaeuj, riuj aenlamz, “doek fwnhung lo, gou aeu vaiqdi maranz lo!”

“Mbouj baenz.” Aulungzgeiz fwt rag dawz gou, “caj raq fwn neix daengx le caiq bae ba.”

“Yienghneix mbouj aeu caj daengz laep?”

“Mbwn caeux couh laep lo, gou yaep he soengq mwngz maranz ba, gaej simgaenj.” (caengz sat)